



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-1/21-3-40-035-5/23
Datum: 12.06.2023. god.

«Agencija za vodno područje rijeke Save» Sarajevo rješavajući po zahtjevu pravnog lica KJKP „Rad” d.o.o. Sarajevo za izmjenu rješenja broj:UP-1/21-3-40-035-3/23 od 20.02.2023. godine u smislu promjene imena pravnog lica, na osnovu člana 262. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E o izmjeni rješenja o vodnoj dozvoli

1. Mijenja se rješenje ove Agencije broj: UP-1/21-3-40-035-3/23 od 20.02.2023. godine u smislu promjene imena pravnog lica, tako da umjesto imena pravnog lica **Općina Ilijaš** treba da stoji:

Kantonalno javno komunalno preduzeće „Rad” d.o.o. Sarajevo.

2. U ostalom dijelu rješenje ostaje nepromijenjeno.

O b r a z l o ž e n j e

Pravno lice Kantonalno javno komunalno preduzeće „Rad” d.o.o. Sarajevo, Paromlinska 57, 71000 Sarajevo, ID broj: 4200316890001, obratio se ovoj Agenciji sa zahtjevom broj: 01-01-01-10768/23 od 01.06.2023. godine kojim je zatražena izmjena ranije izdatog rješenja ovog organa broj:UP-I/25-3-40-035-3/23 od 20.02.2023. godine. Ovim rješenjem pravnom licu Općini Ilijaš dodijeljeno je rješenje o vodnoj dozvoli za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta sa lokacije reciklažnog dvorišta namjene: otkup, prikupljanje, primarna prerada i privremeno skladištenje otpadnog materijala, te njegovom distribucijom, izgrađenog u ulici Bosanski put br. 215, Općina Ilijaš, na zemljištu označenom kao k.č. br.201, 202/1 K.O. Ilijaš Grad u Ilijašu, a iz razloga kako se navodi u Zapisniku o inspeksijskom nadzoru, broj:UP1-14-21-2-00058/2023-1403-P-1403-1-P od 23.05.2023. godine koji je sačinjen od strane Federalnog vodnog inspektorata ispunjeni uslovi iz tačke 3.10. izdatog Rješenja o vodnoj dozvoli kojom je propisano da nakon okončanja svih aktivnosti na ishodovanju upotrebne dozvole od strane nadležnog organa, Općina Ilijaš će rad i upravljanje reciklažnim dvorištem povjeriti KJKP „Rad” d.o.o. Sarajevo R.J. Ilijaš sa kojim će se zaključiti sporazum o međusobnim, pravima, obavezama i odgovornostima upravljanja, korištenja i održavanja reciklažnog dvorišta.

Pravna lica Općina Ilijaš i KJKP „Rad” d.o.o. Sarajevo sklopili su Sporazum o povjeravanju na upravljanje, korištenje i održavanje reciklažnog dvorišta u Ilijašu, broj:02-05-6191/23 od 23.03.2023. godine.

Pravna lica Općina Ilijaš i KJKP „Rad” d.o.o. Sarajevo-Radna jedinica Ilijaš su izvršili faktičku primopredaju Reciklažnog dvorišta i prateće investiciono-tehničke dokumentacije o čemu je sačinjen i Zapisnik broj:03/1-19-686/23 od 09.05.2023. godine.

U prilogu zahtjeva dostavljena je slijedeća dokumentacija:

- Zapisnik o inspeksijskom nadzoru, broj:UP1-14-21-2-00058/2023-1403-P-1403-1-P od 23.05.2023. godine, sačinjen od strane Federalnog vodnog inspektorata – kopija,
- Sporazum o povjeravanju na upravljanje, korištenje i održavanje reciklažnog dvorišta u Ilijašu, broj:02-05-6191/23 od 23.03.2023. godine – kopija,

- Zapisnik o faktičkoj primopredaji Reciklažnog dvorišta u Ilijašu KJKP Rad d.o.o. Sarajevo-Radnoj jedinici Ilijaš sa investiciono-tehničkom dokumentacijom, broj: 03/1-19-686/23 od 09.05.2023. godine – kopija,
 - Aktuelni izvod iz sudskog registra, broj:065-0-RegZ-23-003388 od 04.04.2023. godine izdat od strane Općinskog suda u Sarajevu – kopija,
 - Uvjerenje o registraciji/upisu u Jedinstveni registar obveznika neizravnih poreza broj: 04/1-UPP/1-14984/07 od 06.09.2007. godine, izdato od strane Uprave za indirektno-neizravno oporezivanje Banja Luka – kopija,
 - Uvjerenja o poreskoj registraciji, ID broj: 4200316890001 od 06.06.2006. godine, izdato od strane Porezne uprave- Kantonalni ured Sarajevo – kopija,
 - Rješenje o vodnoj dozvoli broj: UP-1/21-3-40-035-3/23 od 20.02.2023. godine, izdato od strane «Agencije za vodno područje rijeke Save» Sarajevo - kopija,
- U podnesenom zahtjevu se navodi, a što se iz priložene dokumentacije nesporno utvrđuje, da je u periodu od izdavanja navedenog upravnog akta došlo do promjene u nazivu nosioca prava korištenja predmetnog objekta.
- Uvidom u dostavljeni zahtjev i priloženu dokumentaciju, ovaj organ našao je da je zahtjev podnosioca osnovan. Obzirom da su ranijim izdatim vodnim aktom – Rješenje o vodnoj dozvoli, tadašnjem korisniku objekta Općini Ilijaš, shodno odredbama člana 116. Zakona o vodama («Službene novine Federacije BiH», broj 70/06), kao i u skladu sa Pravilnikom o načinu obračunavanja, postupku i rokovima za obračunavanje i plaćanja i kontroli izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) utvrđena prava i obaveze, iste ostaju novom vlasniku i korisniku KJKP „Rad“ d.o.o. Sarajevo, Paromlinska 57, 71000 Sarajevo.
- Uvažavajući obrazloženje podnosioca zahtjeva uz dostavljenu dokumentaciju i uvida u činjenično stanje koje neće dovesti do bilo kakvih promjena na terenu, zahtjevu za traženu izmjenu se može udovoljiti, te je ova Agencija odlučila kao u dispozitivu ovog Rješenja.
- U skladu s odredbama člana 262. stav 3. Zakona o upravnom postupku («Službene novine Federacije BiH», broj 2/98, 48/99 i 61/22), ovo rješenje djeluje samo za ubuduće.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15.00 KM administrativne takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Po ovlaštenju

Rukovodilac sektora za izdavanje vodnih akata



Haris Ališehović, dipl.ing.grad.

Dostaviti:

- KJKP „Rad“ d.o.o. Sarajevo, Paromlinska 57, 71000 Sarajevo
- AVP Sava, ISV-vodna knjiga
- sektor 40 – arhiva
- Sektor 50
- Oglasna ploča